



## Novitads dalla suprastonza communal Lumnezia

La suprastonza communal Lumnezia ha approbau las suandontas fatschentas

### Engaschaments ed elecziuns da persunal

Il cumandant da pumpiers Conradin Caduff ei vegnius elegius sco inspectur da pumpiers cantunal ed ha perquei mess a disposiziun siu post per in successur.

La suprastonza communal ha elegiu Rino Caviezel sco cumandant dil corp da pumpiers Lumnezia naven digl 01. da settember 2020 ed Urban Casanova e Roman Andreoli sco vicecumandants ad interim cun l'indemnisaziun e representanza sco ina persuna (ina vusch ella cumissiun e l'indemnisaziun sco vicecumandant.

Rino Caviezel seretrai dil post da commember dalla cumissiun da gestiun naven da quei gi ch'el surpranda il post da cumandant da pumpiers.

Muort la pandemia da corona han ils examens mercantils buca saviu ver liug. Per las notas finalas ein vegnidas risguardadas las lavurs ed ils resultats da tests duront igl entir davos onn d'emprendissadi, respectivamein da praticum.

- Tajana Alig ha terminau igl emprendissadi la primavera 2020 e vegn engaschada per in ulteriur onn ell'administraziun communal Lumnezia.
- Flurina Demont ha terminau siu onn da praticum la primavera 2020 e vegn engaschada per in ulteriur onn ell'administraziun communal Lumnezia.

### Premi per la punt Greina

- La giuria da "Schweizer Wanderwege" ha elegiu la punt suspendida dalla Greina sco victura dil Prix Rando 2020. Ei era previu da surdar il premi, ch'ei dotaus cun CHF 15'000, ils 2 da matg 2020. Quella surdada ei denton vegnida spustada sil december 2020.

### Surdadas incaricas da lavur

1. Stabiliments da scola a Sutvitg, Vella – 2. etappa
  - lavurs d'impressari alla fatschenta Savoldelli Tanno SA, 7144 Vella
  - lavurs da puntanadas alla fatschenta Palancaus Surselva AG, 7158 Waltensburg/Vuorz
  - lavurs en lenn alla fatschenta Coray Holzbau AG, 7130 Glion
  - lavurs da finiastras en lenn e metal alla fatschenta Künzli Holz AG, 7260 Davos Dorf
  - lavurs da scrinari alla cuminonza da lavur Gartmann SA / Weishaupt GmbH, 7148 Lumbrein
  - lavurs da tetgs spundivs alla ARGE Demont / Bisquolm, 7144 Vella
  - lavurs da fatschadas alla fatschenta Barata Gipser Maler AG, 7146 Vattiz
  - lavurs per las storas da sulegl alla fatschenta Schenker Storen AG, 7000 Cuera
  - lavurs da gep alla fatschenta Barata Gipser Maler AG, 7146 Vattiz
  - lavurs da pictur alla fatschenta Barata Gipser Maler AG, 7146 Vattiz
  - installaziuns sanitaras alla fatschenta Capaul GmbH, 7148 Lumbrein
  - installaziuns electricas alla fatschenta Derungs AG, Via S. Clau Sura 2, 7130 Glion
  - installaziuns dalla fotovoltaica alla fatschenta Soller-Partner Electro AG, 7144 Vella
  - cuvridas cun plattas (plantschius e preits) alla fatschenta Ceramicas Retus, 7162 Tavanasa
  - furniziun da cazzolas alla fatschenta Zumtobel AG, 8050 Turitg
  - lavurs da schubergiar il baghetg alla fatschenta R. Cathomas Reinigungen AG, 7013 Domat
2. Tualletta publica en casa da scola, Lumbrein
  - installaziuns sanitaras alla fatschenta Capaul GmbH, 7148 Lumbrein
  - installaziuns electricas alla fatschenta Elektro Demund, 7148 Lumbrein
  - lavurs da scrinari, mo las posiziuns 5-7, alla fatschenta Gartmann SA, 7148 Lumbrein
  - lavurs da pictur e gep alla fatschenta Barata Gipser Maler AG, 7146 Vattiz

- lavurs da plantschius e preits da plattas alla fatschenta Ceramicas Retus, 7162 Tavanasa
  - las lavurs d'impressari per la tualetta e per las lavurs externas alla fatschenta Collenberg SA, 7148 Lumbrein
3. Remplazzament illuminaziuns da vias els vischinadis da Morissen e Suraua (Peiden Vitg, Uors, Camuns Vitg, Runs, Sutscheins, Masauns)
- installaziuns electricas alla fatschenta Soller-Partner Electro SA, 7144 Vella
4. Vias communalas – surdadas lavurs da cuvridas
- lavurs da catram a Sum Vitg, Lumbrein; alla fatschenta Mettler Prader AG, Glion
  - plania e spilgers via d'uaul Pruastg, Lumbrein; alla fatschenta Patrick Schnider, 7110 Peiden
  - cuvrída cun crappa da gatters a Nussaus, Lumbrein e Degen; alla fatschenta Patrick Schnider, 7110 Peiden
  - lavurs da catram via Dacla, Tersnaus; alla fatschenta Cellere Bau AG, 7166 Trun
  - cuvrída da betun via d'uaul Tersnaus – Tschamiu, Suraua; alla fatschenta Valaulta Berni SA, 7156 Rueun, cun resalva dall'approbaziun entras la radunonza communal, respectivamein entras la votaziun all'urna dils 21 da zercladur 2020.
  - lavurs da catram via Sogn Roc – Punt Trutg e Sur Mulins – Claus, Vella; alla fatschenta Mettler Prader AG, 7130 Glion, cun resalva dall'approbaziun entras la radunonza communal, respectivamein entras la votaziun all'urna dils 21 da zercladur 2020.
  - cuvrída da split via da meglieraziun Plauncas Davos, Vella – Rumein, Degen; alla fatschenta Mettler Prader AG, 7130 Glion
5. Provediment d'aua Lumbrein uclauns, etappa 2020
- lavurs d'impressari, sort 1; Surin – Pruastg – Silgin; alla fatschenta Savoldelli Tanno SA, 7144 Vella
  - lavurs d'impressari, sort 2; S. Andriu/Nussaus alla fatschenta Collenberg SA, 7148 Lumbrein
  - installaziuns sanitaras, sort 1; Surin – Pruastg – Silgin; alla fatschenta Capaul GmbH, 7148 Lumbrein
  - installaziuns sanitaras, sort 2; S. Andriu/Nussaus, alla fatschenta Capaul GmbH, 7148 Lumbrein.
  - armaturas prefabricadas, mesiraziuns, pilotadi e comunicaziun alla fatschenta Hach Lange GmbH, 9424 Rheineck
6. Carpet la Greina
- lavurs da segirtad cun risguardar la clav repartiziun da cuosts analog a quella per il project dalla punt Greina; ad Ignaz Deplazes, 7173 Surrein

### **Incumbesa al Spital regional da Glion**

Il Spital regional da Glion meina la partiziun da pediatria, ginecologia e pigliola per la regiun. Naven dil 2020 vegn la partiziun reorganisada la suprastonza communal ha approbau il credit e la cunvegna da prestaziun dil 2020 – 2022.

### **Provediment d'aua Lumbrein vitg**

La suprastonza communal ha approbau la cunvegientscha denter la corporaziun d'aua Tschantegn/Parmischinas e la vischnaunca Lumnezia

### **Sustegns finansials**

- Alla Pleiv catolica-romana da Lumnezia, Lumbrein; per il cudisch "Processiun da Lumbrein"
- A Barbara De Giorgi, Vella; per il cudisch d'affons "Nies Knobli ei daventaus ina steila"

### **Rendaquens finals**

La suprastonza communal ha approbau ils rendaquens finals per il suandonts projects

- Canal per deviar aua da plievgia a Brel, Degen cun in rest da credit da CHF 473.75
- Transporter communal Reform Muli T10 X cun in rest da credit da CHF 138.80

- Sanaziun dalla Via Sut Baselgia – Sogn Gudegn, Vignogn cun in rest da credit da CHF 18'426.70.
- Sanaziun dil terren contaminau dil stan da sittar da catscha a Bual, Vella cun in surpli da credit da CHF 89'240.20.
- Sanaziun dil plaz da tennis a Zignaus, Vella per mauns dalla radunonza communal digl atun 2020 cun in rest da credit da CHF 4'950.05.
- Casa da fatschenta Palius, Vella per mauns dalla radunonza communal digl atun 2020 cun in surpassament da credit da CHF 15'914.05.
- Extensiun rutas da bike Sogn Carli – Fantanuglias, Linaus e Ramanastga cun in rest da credit da CHF 8'311.75
- Punt suspendida dalla Greina cun in surpassament da credit da CHF 9'192.95

### **Midadas dils plans e dils reglaments da santeri**

La suprastonza communal ha decidu en cunvegrientscha cun las pleivs da crear spazi per satrar urnas ella tiara sils santeris dils vischinadis da

- Lumbrein
- Vignogn
- Vella

### **Vendita parcelas da baghegiar**

La suprastonza communal ha decidu da vender la parcella nr. 7301 a Vignogn a Regina e Herbert Späni da Buttikon. Els vulan baghegiar ina casa cun habitaziun primara e deponer lur scartiras en Lumnezia.

### **Fiasta naziunala, igl 1. d'uost 2020**

Il stab directiv dalla vischnaunca Lumnezia ha decidu da buca organisar entras la vischnaunca ina fiasta d'emprem d'uost cun plaids festivs e musicas da divertiment. Ad uniuns e societads stat ei liber d'organisar ina fiasta en atgna reschia, resalvau ch'il cussegl federal scamondi buca da menar atras la fiasta naziunala.

### **Radunonza communal Lumnezia dils 19 da zercladur 2020**

Pervia dalla derasaziun dil coronavirus e pervia dalla malsogna che vegn caschunada da quel (COVID-19), ha il Cussegl federal decretau cun l'Ordinaziun 2 dils 13 da mars 2020 davart las mesiras per cumbatter il coronavirus (Ordinaziun 2 davart COVID-19; CS 818.101.24) in scamond d'occurrentas publicas (cf. art. 6 al. 1). Leutier tucan era radunonzas communalas.

La radunonza communal Lumnezia dils 19 da zercladur 2020 ei vegnida annullada. Projects urgents vegnan presentai alla populaziun ella votaziun all'urna dils 21 da zercladur 2020.

### **Termins radunonzas communalas Lumnezia 2020**

02 d'october 2020

18 da december 2020